



Universitätsbibliothek Paderborn

**Tractatvs De Fiducia In Devm Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 21. Deus nullu[m] permittit aut immittit malum nisi ut inde eliciat bonum.

[urn:nbn:de:hbz:466:1-50333](#)

Non nisi medijs è spinis videmus efflorescentes rosas, nec à Deo electos ascendere ad culmina honorum nisi per ignominias, opprobria, exilia, & adversa varia. Hoc est quod dicit Sapiens: *antequam glorificetur, humiliatur*. Descensus ascensum, ignominia gloriam, adversis prospera mereri necesse est. Descendit enim S. Augustinus, descendite qui ascendiis in altum, alioqui peribitis, fugiendo adversitates inciditis in illas, cecidistis enim ascendendo. Non est alia via perveniendi ad gaudium quam via crucis & afflictionum; nec breviore ascenditur ad gloriam quam descensu ad tolerantiam opprobiorum.

§. XXI.

Dum nullum permittit aut immittit malum, nisi ut inde eliciat bonum.

[In] hanc rem uti possumus illis verbis quæ Deus per Prophetam suum Isaiam nuntiat: *re jubar omnibus justis, nimis quidquid illis miseriarum ac calamitatum acciderit, in bonum illorum cessurum.* *Dicite justo, quoniam bene.* Isa. 3 Dicite, inquam homini justo, ne graviter ferat persecutiones, quas sustinet, & damna quæ patitur in bonis temporibus: fiduciam ne perdat & animum divinæ voluntati conformem; dicite illi Dei nomine quod

quod jubebit ista omnia bene feliciter evenire. Sed quid aīs Propheta sancte? Homi iste causa cadet in judicio, unde bonis omnibus evertatur; an tanta jaētura non sufficit ad justissimum mōrorem? Dicite justo quoniam bene. Dicite quia fallitur si mōrendū idcirco putat: non est mōroris ista, sed consolationis potius materia. At uxorem etiam & liberos mōrs immatura eripiūt; nūpoteſt non contristari? Dicite justo quoniam bene. Etiam contemnitur ab omnibus; à quibus prius colebatur, iij nūc vix dignantur illum salutare vel alloqui. Dicite justo quoniam bene. Dicite ut meliora speret, retineat Deo fiduciam; novit ille cur eum sic tradat, probat illum, sed faciet cum tentatione preventum, videbit aliquando & agnoscat ab ista quam patitur adversitate salutem suam & gloriā dependisse æternam. Discenit accurate Deus quid faciat aut ubi feriat, cum hominem affigit, ideoque in Scriptura facit comparatur Monoceroti unicorni, qui cum cornu gerat intra oculos; non vero superficiem, ut Taurus, cūm ferire vult quemque ita ictum visu moderatur ut recta impingat quo dirigebat, nec aberret unquam; ardens taurus cœco quasi impetu fertur in id quod occurrit, nec videt quid & ubi tangat; unde

sepius diffundit levem aërem & secat ventos.
Novit Deus ubi ferendum sit , nec tamen
plaga quam infligit ad nostri tendit interne-
cionem, sed ad sanationem , sicut chirurgi
nonnunquam secant ut sanent,& Monoceros
quem vulnerat, sanat , eodem enim cornu
quo ferit, medicinam facit. Adeo afflictiones
non modo perficiunt innocentes, sed nocen-
tes etiam & peccatores reducunt ad melio-
rem frugem. Et sanè cujuscunque conditio-
nis & status hominibus saluberrimæ sunt, ut
pote quæ non aliter nobis à Deo proveniant
quam nostra in divinam providentiam fidu-
cia eas suscepere. Aut es aurum, aut ferrum,
dicebat olim quidam sanctorum adolescenti
religioso qui querebatur de morbi sui diu-
turnitate ; quidquid verò responderis ajo te
immerito conqueri; nam si aurum es, infirmi-
tas hæc te probat & purgat: si ferrum es , ru-
biginem omnem abstergit; ad alterum ex his
sicut vult te Deus hoc morbo vexari.

§. XXII.

Memorabile exemplum de hac re.

AD confirmandam hanc veritatem ex in-
numeris quæ in hanc rem commemo-
rari possent exemplis, unum felice relatu di-
gnissimum quod habetur in vita Imperato-
rum